



**KEMENTERIAN PEMBANGUNAN  
USAHAWAN DAN KOPERASI**  
Ministry of Entrepreneur Development and Cooperatives



## **SIARAN MEDIA**

### **KERAJAAN TERUS PRIHATIN BANTU KOPERASI MENDEPANI BENCANA BANJIR**

**KUALA LUMPUR, 18 JANUARI 2021** – Kerajaan melalui Kementerian Pembangunan Usahawan dan Koperasi (MEDAC) terus prihatin dalam membantu koperasi yang terjejas akibat bencana banjir yang melanda negara kini. Selain itu, aktiviti koperasi juga sebelum ini turut terjejas berikutan tempoh kawalan pergerakan (PKP) yang dikuatkuasakan akibat penularan Covid-19. Ini memberikan kesan kepada kebajikan seramai 6.10 juta anggota koperasi seluruh negara.

Sehingga **15 Januari 2021** dianggarkan sejumlah **RM3.2 juta kerugian** yang melibatkan **73 buah koperasi** yang terjejas merangkumi negeri-negeri seperti **Pahang (40 koperasi), Kelantan (3 koperasi), Terengganu (9 koperasi), Johor (9 koperasi), Sarawak (2 koperasi), Sabah (2 koperasi), Perak (5 koperasi), Negeri Sembilan (1 koperasi), Melaka (1 koperasi)** dan juga **Wilayah Persekutuan Kuala Lumpur (1 koperasi : projek atau aset koperasi di Raub, Pahang).**

Sehubungan itu, MEDAC melalui Suruhanjaya Koperasi Malaysia (SKM) terus proaktif membantu gerakan koperasi yang teruk terjejas akibat banjir dengan menyediakan Tabung Bantuan Kecemeasn Koperasi. Koperasi

yang terjejas layak menerima **Bantuan Kecemasan Koperasi** sehingga **RM30,000** bagi setiap koperasi.

Sepertimana dalam peruntukan Akta Suruhanjaya Koperasi Malaysia 2007, bantuan kecemasan ini akan digunakan oleh koperasi sebagai **pampasan yang sewajarnya ke atas apa-apa kerosakan premis, aset atau produknya** akibat bencana alam atau faktor luar kawalan. Ianya diharap dapat **membantu koperasi membangunkan semula aktiviti ekonomi** serta **mengurangkan beban** koperasi yang terjejas akibat bencana alam tersebut. SKM juga turut menyediakan Bantuan Pembangunan Koperasi dan Tabung Modal Pusingan (TMP-SKM) Tanpa Cagaran di mana keutamaan permohonan diberikan kepada koperasi yang terjejas.

Sebagai Kerajaan yang prihatin, Bantuan Kecemasan Koperasi yang ditawarkan sekurang-kurangnya dapat membantu koperasi meningkatkan kembali kapasiti koperasi untuk menggerakkan semula aktiviti perniagaan koperasi agar terus menjadi penyumbang efektif kepada pembangunan ekonomi negara.

**DATO' SRI DR. HJ WAN JUNAIDI TUANKU JAAFAR**  
**MENTERI PEMBANGUNAN USAHAWAN DAN KOPERASI**  
**18 JANUARI 2021**

**DATA KOPERASI TERJEJAS MENGIKUT NEGERI**

<b>BIL.</b>	<b>NEGERI</b>	<b>JUMLAH KOPERASI</b>	<b>ANGGARAN JUMLAH KERUGIAN (RM)</b>
1	Pahang	40	2,000,000
2	Kelantan	5	90,000
3	Terengganu	9	155,000
4	Johor	9	242,790
5	Sarawak	2	58,000
6	Sabah	2	264,000
7	Perak	3	23,600
8	Negeri Sembilan	1	300,000
9	Melaka	1	50,000
10	WP Kuala Lumpur	1 (projek/aset di Pahang)	10,000
<b>JUMLAH</b>		<b>73</b>	<b>3,193,390</b>